



## Opgewonde... Opgewonde oor wat? Oor Hoop wat leef!

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [taal@nhk.co.za](mailto:taal@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**Vir die afgelope vyf jaar was *hoop* een van die gewildste soekterme op Google. As Google die orakel van ons kollektiewe bewussyn is, dan soek ons nie net na die beste vermaak in die omgewing nie – ons soek na iets dieper.**

Ná 30 jaar in die bediening voel jy dalk soos ek dat jy al die Kersverhaal van elke hoek benader het: Josef, Maria, die wyse manne... selfs die donkie. Ons het sangdienste, Kersspele en opvoerings gehad. Ons idees raak op.

Maar dan gebeur dit weer, soos altyd: die Here verras ons met 'n vars idee om 'n tydlose waarheid te deel. Die waarheid van God wat ons verbysterend liefhet – so lief dat Hy sy Seun gestuur het. 'n Boodskap van Hoop. Hoop met 'n Naam: Jesus.

Dit is rede vir opgewondenheid. Nie net oor 'n fees nie, maar oor 'n roeping. Die Here roep elkeen van ons om draers van Hoop te wees in 'n wêreld wat honger is vir hoop. Ons behoort dit nooit as vanselfsprekend te aanvaar nie. Daar is die *Wie ek?* van verlossing. Ja, dis genade – vrylik gegee, ongeag ons verlede of ons potensiaal. En dan kom die *Wie ek?* van ons roeping. Ons ken onself en ons wonder of ons ooit sal kan voldoen aan die vertrouwe wat Hy in ons stel.

Ons weet goed wat dit beteken om ons vertrouwe in God te stel, maar hier is die wonder: God het sy vertrouwe in *ons* gestel toe Hy ons sy medewerkers gemaak het. Hy sien in ons wat ons self nie sien nie.

Andrew Carnegie het toe hy gevra is hoe hy 43 miljoenêrs in diens het, geantwoord: *Toe hulle by my begin werk het, was hulle nie miljoenêrs nie. Ek het hulle ontwikkel. Ek ontwikkel mense soos 'n mens goud myn. Jy verskuif tonne grond vir 'n gram goud. Maar jy gaan nie in om grond te soek nie – jy gaan in om goud te soek.*

God doen dieselfde met ons. Hy sien nie net die grond nie – Hy sien die goud. Die potensiaal.

Soms is ons soos Laodisea – nie warm nie, nie koud nie. Ons vergeet ons eerste liefde. Maar die Hoop wat in ons leef, gee lewe. Maak nuut. Gee sin. Bring vrede. Die Hoop het 'n Naam – en sy Naam is Jesus!

So, raak weer opgewonde in hierdie tyd. Nie net oor die vooruitsig van 'n welverdiende Kersvakansie nie, maar oor die wonderlike roeping waartoe die Here jou en my geroep het. Laat God deur sy Gees weer die vuur van entoesiasme aansteek. Dank Hom vir wat Hy aan jou toevertrou het.

Mag ons die Woord so vertel van 'n Kind in 'n krip en 'n Verlosser aan 'n kruis dat mense se oë rek en hul harte spring van opgewondenheid.

Mag jy hierdie Kersseisoen weer opnuut die vreugde van jou roeping, die krag van genade, en die onmeetlike voorreg om 'n draer van Hoop te wees, ontdek.

Die Lig het gekom – en jy is geroep om dit te dra.

**Ds Janine Bevol-Manders**  
(Witfontein en nuutverkose skriba van die Kommissie van die AKV)

## Lief en leed



Prof Ananda Geysers-Fouché



Prof Tanya van Wyk

- Die nuwe **National Research Foundation of South Africa (NRF)-toekennings** is verlede Donderdagaand tydens 'n galageleentheid by Universiteit van Pretoria (UP) gevier. **Proff Ananda Geysers-Fouché en Tanya van Wyk** het albei 'n C2-evaluasie ontvang.
- **Die volgende predikante verjaar tot 7 November, en word hartlik geluk gewens:**
  - Sondag 2 November: Ds IM (Naas) Lombard (emeritus/Standerton)
  - Maandag 3 November: Ds HA (Hennie) Retief (emeritus)
  - Dinsdag 4 November: Di HN (Hennie) Botha (emeritus), en G (Gerhard) Viviers (Lichtenburg)
  - Donderdag 6 November: Ds WL (Wikus) van der Merwe (emeritus)
  - Vrydag 7 November: Di SA (Fanie) Beukes (Laeveld) en DA (Dirk) van Rooyen (Deo Volente)

## Gemeentes en bediening

- Die **27ste Algemene Vergadering van die Wêreldgemeenskap van Gereformeerde Kerke (WCRC)** het vanaf 14 tot 23 Oktober in Chiang Mai, Thailand, plaasgevind. Die NHKA se afvaardiging het uit drr Wouter van Wyk, Marina Kok-Pretorius en mnr Johan Hattingh bestaan. **Dr Van Wyk** is tydens die vergadering tot die **Uitvoerende Komitee van die WCRC** as verteenwoordiger van Suider-Afrika vir die volgende sewe jaar tot en met die volgende Algemene Vergadering verkies. **Dr Karen Georgia Thompson**, predikant van die United Church of Christ in die VSA, is as **nuwe president van die WCRC** aangewys.



Drr Wouter van Wyk, Marina Kok-Pretorius en mnr Johan Hattingh



Dr Karen Georgia Thompson

- Gemeente Pretoria-Oos nooi u uit om **dr André Ungerer** se jare van toegewyde diens en **emeritaataanvaarding** saam met hom op **16 November om 09:00** te vier. Dr Ungerer het op 28 Februarie 2025 emeritaat as predikant aanvaar en aanvaar op 31 Desember 2025 emeritaat as hoof van die Hervormde Teologiese Kollege (HTK). Hy was sedert 2015 aan die stuur van die HTK. Kom geniet 'n koppie koffie en gesellige saamwees na afloop van die diens.

## Werkgeleenthede

- **ONS TUIS (NPC)**

Het tans die volgende vakature:

### GEREGISTREERDE VERPLEEGSTER x2

Die Raad van Ons Tuis nooi gekwalifiseerde en ervare persone om aansoek te doen vir die pos van geregistreeerde verpleegster by ONS TUIS: PIET POTGIETER in Mokopane, Limpopo. Die fasiliteit is 'n tehuis vir bejaardes wat voorsiening maak vir selfversorging en versorging van verswakte bejaardes.

#### **Posvereistes:**

Die suksesvolle kandidaat moet by SANC geregistreeer wees as 'n geregistreeerde verpleegster.

### **Vereiste vaardighede:**

Die suksesvolle kandidaat moet oor die volgende vaardighede beskik:

- Sterk leierskapseienskappe en moet onder druk kan funksioneer.
- Goeie interpersoonlike en kommunikasievaardighede.
- Goeie menseverhoudings.
- Goeie organisatoriese vaardighede, tydsbestuur en oordeelsvermoë.
- Tweekantig – Afrikaans en Engels.
- Ontwerp en aanpassing van 'n versorgingsplan vir ouer persone.
- Inisiëring van infeksievoorkoming en -beheer protokol.
- Akkurate versorgingsdokumentering.
- Basiese kennis van relevante versorgingswetgewing en die *Wet op Ouer Persone 2006* (Wet 13 van 2006).
- Basiese kennis van Gesondheid en Veiligheidsaspekte en die vermoë om risiko's te identifiseer.
- Probleemoplossingsvaardighede en oordeelsvermoë.

### **Verantwoordelikhede:**

Die suksesvolle kandidaat sal verantwoordelik wees vir:

- Die lewering van kwaliteitsverpleging in samewerking met 'n multi-professionele span.
- Om op te tree as 'n skofleier.
- Identifiseer, voorkom en bestuur risiko's om die veiligheid van ons inwoners te verseker.
- Verseker 'n positiewe ondervinding vir inwoners deur 'n bevorderlike omgewing te skep.
- Verskaf akkurate en volledige rekords van alle versorgingsingryppings.
- Geregistreerde verpleegster in beheer van die inwoners se medikasie en moet verseker dat inwoners die regte medikasie ontvang.
- Skep 'n leeromgewing wat bevorderlik is vir die personeel.
- Effektiewe rapportering aan die Bestuurder van die fasiliteit.
- Die hantering en behandeling van noodgevallen in die aand, om pasiënte te stabiliseer en vir verdere versorging te verwys indien nodig.

### **Ervaring:**

Die suksesvolle kandidaat moet oor die volgende relevante ervaring beskik:

Vorige ervaring by 'n tehuis vir bejaardes of versorgingssoord sal voordelig wees.

### **Vergoedingspakket:**

'n Onderhandelbare vergoedingspakket gebaseer op ondervinding en kwalifikasies.

### **Sluitingsdatum: 31 Oktober 2025**

Indien jy nie terugvoering binne twee weke ontvang nie moet jy aanvaar dat jou aansoek onsuksesvol was. Die maatskappy behou die reg om die pos te vul of te onttrek volgens eie diskresie.

Aansoekers wat belangstel en voel dat hulle oor die regte vaardighede beskik soos uiteengesit in die advertensie, kan gerus hul CV stuur na: [adm@otmt.org](mailto:adm@otmt.org) vir aandag: Mnr GG Janse van Rensburg.

- **Akademia** is 'n Christelike, klassieke en onafhanklike hoëronderrigsinstelling wat verbind is tot die uitnemende opleiding en vorming van studente vanuit en vir Afrikaanse taal- en kultuurgemeenskappe. Akademia het vanaf **Januarie 2026** op die Gerhardstraat-kampus 'n **deeltydse pos vir 'n dosent in Bybelse Argeologie en Nabye-Oosterse Studies** in die Fakulteit Geesteswetenskappe beskikbaar. Hierdie module word vanaf 2026 in die BA (Algemeen)-program aangebied. Die module sal op die **voltydse kampusmodel** onderrig word. Klik [hier](#) vir meer inligting rakende die pos. Aansoeke moet voor of op **3 November 2025** ingedien word.
- **Gemeente Namibkus** (wat Hentiesbaai, Swakopmund en Walvisbaai bedien) nooi 'n predikant of proponent van die Kerk om van **30 November 2025 tot 11 Januarie 2026** in die

gemeente te preek en krisisgevalle te hanteer terwyl hul predikant met langverlof is. **Gratis verblyf** word verskaf vir die besoekende predikant en gesin in 'n ruim drievtrekwoonstel, en die gemeente sal 'n **reiskostebydrae** gee vir die reis na en van Namibië. Kontak **ds Leon Janse van Rensburg** so spoedig moontlik vir meer inligting by **+264 81 128 5169** of **leonjvr@iway.na**.

## Vergaderings

- Donderdag 6 November: Kommissie van die AKV
- Vrydag 7 November: Kommissie van die AKV
- Saterdag 8 November: NHSV Dagbestuur

## Kerklke en ander publikasies

**Nuwe publikasie**

**R290**  
(versending uitgesluit)



**Bybelse Dagboek in GROOTDRUK**

Inhoud identies aan die Bybelse Dagboek-gedeelte van die bestaande Dagboek en Almanak. Hierdie boek word slegs op aanvraag gedruk en daar is geen voorraad vooraf beskikbaar nie. Hou asseblief in gedagte dat daar 'n produksietyd is, so aflewering kan 'n paar dae neem.

**R200**  
(versending uitgesluit)



**Bybelse Dagboek en Almanak**

Belangrike inligting oor die Hervormde Kerk én 'n inspirerende Bybelse dagboek in een omslag.

**Bestel by [boekwinkel@nhk.co.za](mailto:boekwinkel@nhk.co.za)**

**Nuwe publikasie**

**R160**  
(versending uitgesluit)



**'N WOORD VIR ELKE DAG**





**'n Woord vir elke dag**

Hierdie bundel bring al die Gedagtes vir die Dag saam – daaglikse oordenkings wat ontstaan het uit die NHKA *Bybelse Dagboek*.

Of jy dit daaglik lees, of af en toe daarin blaai – mag hierdie versameling vir jou 'n metgesel wees op jou geestelike reis.



**Bestel by [boekwinkel@nhk.co.za](mailto:boekwinkel@nhk.co.za)**



- In die **2025 Lente-uitgawe van Vroueflitse** fokus die NHSV op ouerbetrokkenheid en geestesgesondheid. **Mev Mari-lizé Beukes**, voorsitter NHSV Hoofbestuur, skyn die kollig op Geestesgesondheidsmaand wat in Oktober plaasvind met die 2025-tema **Waardigheid in Geestesgesondheid**. Ouerbetrokkenheid word toegelig deur **ds Janine Bevol-Manders**, Gemeente Witfontein, wat raad gee vir ouers en tieners in **Mites en stigmas: Jongmense en geestesgesondheid**. Volg die skakel **hier**.



- Die **Kerkkalender vir 2026** wat die afdeling Kerklke Kommunikasie vir gebruik in ons gemeentes voorberei het, is op die Kerk se webblad beskikbaar. Kry die kalender **hier** en die kalendervoorblad **hier**. Die kalender bevat inligting oor die kerklke feesdae, openbare vakansiedae, skooltermyne en spesiale geleenthede wat vir die hele Hervormde Kerk van belang is. Gemeentes kan hul eie gemeenteprogram daarop invul en die kalender in gedrukte formaat of elektronies onder hul lidmate versprei.

Wyle prof AD Pont se boek *Die verhaal van ons Kerk: 'n Oorsig van die geskiedenis van die Nederduitsch Hervormde Kerk 1900 tot 1949* het in 2007 verskyn.



- Daar word bestellings geneem vir 'n nuwe druk in een A4-grootte boek van 348 bladsye. Lettergrootte 14.
- Daar is tyd tot 20 November 2025 om te bestel en vooraf te betaal.
- U sal dan kennis ontvang wanneer u boek gereed is en u reëlings kan tref vir 'n koerierdiens om dit op Koster te kom haal vir aflewering. Koerierkoste is vir u eie rekening.
- Bestel deur die bedrag in te betaal by: LJ Strauss, Absa Tjekrekening 1400800878, algemene takkode 632005. Gebruik u naam en van as verwysing. Stuur betalingsbewys na [ljstrauss@lantic.net](mailto:ljstrauss@lantic.net) of 076 061 0129.

## Kom kyk saam

- Het jy al na verlede week se Blitsflits gekyk? Die Blitsflits verskyn weekliks aanlyn om te dien as 'n opsomming waarna u kan uitsien in die uitgawe van *Blitspos*. Kyk gerus **hier** saam en lewer kommentaar op die blad.

## 'n Gedig

### Labirint

Ek wil my weg in waarheid wandel  
my sondes op die strand afspoel,  
my onrus daar vir rus verhandel  
tot ek lig soos 'n veertjie voel.

Ek wil na skoonheid soek, nooit weifel,  
totdat als leliks my verlaat,  
ek kies berusting bo die twyfel  
en liefde bo al hierdie haat.

Ek voel of ek verdwaald rondstruikel  
soms of ek nooit die spoor sal vind,  
maar soek volhardend met gesukkel  
my weg deur hierdie labirint.

Ek swyg waar ek om wysheid worstel  
met slegs die hoop lig sal deurbreek,  
wat einde maak aan die gespartel  
en eendag nuut tot my sal spreek.

**Pieter F Bruwer**

[www.skoenlappertjie.wordpress.com/2014/03/09/labirint-pieter-f-bruwer/#more-410](http://www.skoenlappertjie.wordpress.com/2014/03/09/labirint-pieter-f-bruwer/#more-410)

## Fondsinsamelings

- Dit is amper weer tyd vir **Gemeente Makarios** se jaarlikse **Gholfdag** op **6 November** by **Kempton Park se gholfbaan**. Koste: R2 000 vir 'n vierbal of R500 per speler. **Borgskappe per gat** is beskikbaar teen R500 per gat. **Vir meer besonderhede of om te RSVP** kan die volgende persone gekontak word:
  - Carina Cronje 079 515 8596
  - Riaan Mong 082 337 3146
  - Ds Frikkie Viljoen 082 906 7774

- **Gholfdag in Tzaneen – moet dit nie misloop nie!** Gemeente Tzaneen nooi jou uit na hul opwindende Gholfdag op **7 November 2025** by die **Tzaneen Country Club**. Afslaan is om **11:00** en groot pryse is op die spel, insluitend 'n splinternuwe New Holland TT75-trekker met 'n putjie-kolhou! Die inskrywingsfooi van **R2 500 per 4-bal** sluit 'n ete in, en daar is ook 'n loslootjietrekking. 'n Borg per putjie kos **R5 000** en sluit 'n 4-bal in. Die formaat is **2 Ball Scramble Drive**. Betaal by **Absa**, rekeningnommer 1260 570 230, takkode 632005, met verwysing: **Naam/Gholfdag**. Vir meer inligting, kontak **Carl by 083 706 9588** of **Morne by 064 752 9483**. Kom ondersteun die Hervormde Kerk in Tzaneen en geniet 'n dag vol pret en pryse!
- Dit is weer tyd vir **Gemeente Kampersrus Hoedspruit se basaarlootjies!** Daar is **meer as R45 000 se pryse** wat gewen kan word teen **slegs R100 per kaartjie!** Die pryse wissel van 'n heerlike harepamperlang ter waarde van R400 tot verblyf in Mosambiek vir ses persone ter waarde van R16 000.

Daar is twee maniere om deel te neem:

- Koop direk by Susan la Grange.
- Jy kan ook via WhatsApp jou kaartjie by 072 636 8001 (Susan) bestel. Jy sal 'n genommerde kaartjie elektronies ontvang. Betaal regstreeks in die bankrekening met jou lootjienommer as verwysing.

Bankbesonderhede: Nederduitsch Hervormde Kerk, Standard Bank, rekeningnommer 033358346, takkode 052752.

Die trekking vind op **30 November** plaas!

# Kikker jou kas op!

"das" nie iets beter nie...

Bestel vandag nog jou NHKA-das en wees trots deel van Hervormd-wees!

Bestel hier:

Van der Hoff Teologiese Vereniging

Slegs R200



● Bestel by [boekwinkel@nhk.co.za](mailto:boekwinkel@nhk.co.za)



## Toerusting



Departement van Teologie  
in samewerking met die



NEDERDUITSCH HERVORMDE KERK VAN ABSA

### Diploma in Bediening Deeltydse studies

Ten volle geakkrediteerde kwalifikasie: NQF Viak 6  
SAQA ID: 96454; aantal krediete 379; 5 jaar deeltjyd

Eerste Diplomaplegtigheid Feb 2025



Vier Ouderlinge en een lidmaat uit die NHKA

**Toelatingsvereistes**  
Nasionale Senior Sertifikaat met toegang tot diplomastudies, of gelykwaardige kwalifikasie

"Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk."

**Inskrywings vir Februarie 2026 kan nou gedoen word.**

Maak 'n verskil in die Koninkryk van God

Navrae: Dr Deon du Toit  
E-pos: [ministry@skillspro.co.za](mailto:ministry@skillspro.co.za)  
Selnommer: 082 894 5751

- **Help ons om die Kerk se stem sterker te laat klink!** Is jy passievol daarvoor om die sigbaarheid van die NHKA in die samelewing te versterk? Ons nooi jou uit om deel te wees van 'n opwindende geleentheid om die Kerk se digitale teenwoordigheid te help vorm.

Ná waardevolle terugvoer van Hervormde teologies studente oor ons sosialemediaplatforms (Facebook, YouTube, Instagram en LinkedIn), het ons reeds betekenisvolle verbeterings begin aanbring. Nou wil ons graag ook predikante betrek om hul unieke perspektiewe te deel. Geen voorbereiding is nodig nie – net jou tyd en insig tydens 'n informele aanlyn gesprek. Jou deelname sal ons help om die Kerk se boodskap meer relevant en toeganklik te maak vir almal.

**Datum van aanlyn gesprek:** 6 November 2025.

**Hoe om deel te neem:** Stuur jou volle naam en van, ouderdom, woonbuurt en gemeentenaam aan **ds Iwana Kruger** by **079 848 4865** of per e-pos na **goeienuus@nhk.co.za**.

Ons sien uit daarna om saam met jou te werk aan 'n sterker digitale teenwoordigheid vir die NHKA!

- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die HTK het 'n **inligtingsblad** geskep oor Nicea wat gemeentes kan help om Nicea op hul eie manier te herdenk. Klik **hier** vir die inligtingsblad. Dit is 'n dinamiese blad en word gereeld bygewerk met nuwe inligting.

## Studentesake

- **Van der Hoff Teologiese Vereniging** het onlangs hul **nuwe bestuurslede** verkies:
  - Praeses: Mev Rolandi Mc Geer
  - Assessor: Mej Lané Truscott
  - Abactis: Mej Anushke Muller
  - Fiscus: Mnr At Hattingh
- **NHSV Studieleningfonds 2026.** Die NHSV beskik oor studielenings vir studente in enige studierigting. Slegs lidmate van die Nederduitsch Hervormde Kerk kwalifiseer vir die toekennings. Die aansoekvorm vir 2026 kan **hier** afgelaai word. **Die sluitingsdatum vir aansoeke is 15 Januarie 2026.**

## IS JY IN 2026 'N MATIE?

Stellenbosch Hervormde gemeente wil jou graag ontmoet en ondersteun in die oorgang van hoërskool na studentelewe! Ons hou 'n aanvangskamp by die Jeugkampterrein net buite Stellenbosch, omring deur berge en wingerde.

### Kontak ons vir meer besonderhede:

dr Chris le Roux  
**cleroux@mweb.co.za**  
 079 495 3239

OF

prop Elizabeth Rossouw  
**3erossouw@gmail.com**  
 081 833 7022 (WhatsApp)  
 078 032 3910 (bel)

Eerstejaar of senior, **almal** is welkom

OF vul die kampbrief in en stuur hom vir ons: <https://tinyurl.com/ycwxzkuy>

**25-27** JANUARIE 2025

OM

**14:00**

OP DIE 25STE, BY DIE KERKGEBOU

**R400**

PER PERSOON



## Barmhartigheid

- **Machteld Postmus** te **Brooklyn** het tans eenhede beskikbaar in 'n rustige omgewing naby 'n winkelsentrum en kliniek.
  - Kamerfasiliteit beskikbaar by Riekie Boshoff teen R3 991 per maand.
  - Johannes Postmus: Eenmanwoonstel teen R4 641 en eenslaapkamerwoonstel teen

R6 363 per maand.

- Tweeslaapkamereenheid te koop teen R1 232 000 by Machteld Postmus.

Indien u belangstel om meer uit te vind of te besigtig, skakel **suster Sonja Stander** by **012 346 2418**.

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuur aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

- Eenslaapkamer: R515 000
- 1½-slaapkamer: R520 000
- Tweeslaapkamer: R560 000
- 1½-slaapkamer te huur teen R6 800 maandeliks

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / [manager@belfastrusoord.co.za](mailto:manager@belfastrusoord.co.za) vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deerkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / [navrae@athalia.co.za](mailto:navrae@athalia.co.za) / [www.athalia.co.za](http://www.athalia.co.za).

## Betaalde advertensies in hierdie nuusbrieff

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word.** (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na [taal@nhk.co.za](mailto:taal@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

## Gebed vir die week

Genadige God,  
Dankie vir die voorreg om kinders te hê  
en vir die vreugde wat hulle bring.  
Dankie vir wat hulle vergestalt  
vir beide die hede en die toekoms  
en vir wat hulle vir ons laat beleef  
terwyl hulle die lewe oop breek  
en hulle ontdekkings maak.  
Help ons om dinge stadiger te vat,  
'n ruskans te vat en 'n oomblik te maak  
om saam met ons kinders hul wêreld  
te ervaar en die wonder daarvan te geniet.  
Help ons om teen hul tempo te beweeg  
en te ontdek dat dit u tempo is.  
Lei ons so 'n lewe  
van vreugde binne,  
saam in die teenwoordigheid  
van u Seun, Jesus Christus.  
AMEN

(\*n Verwerking deur Etienne Fourie van 'n gebed van die Biskop van Oxford, John Pritchard)



Redakteur:	Dr Johan van Staden
Subredakteurs:	Ds Etienne Fourie en dr Annelie Botha
Koördineerder:	Mej Sanet du Plessis
Uitiegkunstenaar:	Mnr Hugo van Niekerk
Joernalis:	Ds Iwanda Kruger